



UNIVERSITÄTS-  
BIBLIOTHEK  
PADERBORN

# **Conceptvs Chronographicvs De Concepta Sacra Deipara**

**Zoller, Joseph**

**Augustæ, Anno 1712**

LXXXIX. Non surrexit, inter natos mulierum, major Joanne Baptistâ. Matth.  
c. 11. v. 11.

---

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)

ac turpiter everfam? certè, qui amaro in MARIAM animo, ac pertinaci inhæfione, similibus dicitur Virgineum hoc Templum invaderet, haud dubiè commeritas dare pœnas suo tempore cogeretur: præterquàm, quòd à montibus excelsis, quorum nomine gravissimos Patres, ac Doctores intelligo, ingenti sententiarum, ac rationum, pro illibatâ concep-

tione pugnantium, pondere penitùs obrueretur.

§. 7. *Anagramma.*

SCaLa, ab ADaMI IVgo 616.  
abfoLVta.

*Scala aurea! Te non premit jugum Adami.  
Versio litteralis.  
Ave Maria, gratiâ plena, Dominus tecum.*



De Conceptâ Sacrà Deiparâ.

CONCEPTUS LXXXIX.

§. I. *Scriptura.*

617. Vna Ioanne Major, non Caudens, neC sVrgens.

Matth. c. 11. v. 11. *Non surrexit, inter natos mulierum, major Joanne Baptistâ.*

**M**agna olim inter discipulos Christi exorta est controversia, in eo consistens: *Quis eorum videretur esse major?* ut enim D. Vincentius Ferrerius existimat: primatum ambiebat Petrus, utpotè ab ipso Salvatore, caput Ecclesiæ constitutus, cui dictum: *Tu es Petrus, &c.* Andreas majorem se cæteris autumabat, quòd primus Christi esset discipulus, ante Petrum ad Apostolatam vocatus: cujus operâ demùm & ipse Petrus ad Christum fuisset adductus. Joannes virginalem allegabat castimoniam, ac amorem Christi in se extraordinarium, utpote qui se solum, in ultimâ coenâ, in sinu recumbere sit passus. Reponebat econtrâ Joanni Jacobus major, jus primogenituræ, ætatisque prærogativam: cedere proinde minorem oportere majori. Thadæus, Simon, & Jacobus minor, præcedentiam urgebant, eò quòd nepotes existerent ex

primâ sore Virgine MARIÆ. Matthæus majorem se cæteris rebatur, ob aurum, & argentum pro Christo abdicatum; cùm priorum nullus, nisi lacera retia, & hamos exiles reliquisset. Philippus majorem esse volebat, eò quòd à Christo ipso diu inquisitus, tandem inventus, & ad sequelam ejus sit invitatus: ad suamque instantiam, panes fuerint multiplicati. Bartholomæus genus allegabat Regium, quo esset ortus: decere porrò piscatores non altum sapere, sed retia sua subijcere Purpuræ. Thomas gloriabatur, se Legis peritum, & Doctorem: decere proinde, ut rudibus piscatoribus præiret. Ipse denique proditor Judas oculos monstrabat turgidos, ex quibus reliqui omnes alerentur, adeò nimirum illi contenderant, quis eorum esse *major* videretur? Similem prorsus quæstionem & ego, in præsentî, moveo, quis nimirum, non inter Apostolos duodecim, sed inter omnes omninò natos mulierum *major* habendus? Resolvit quidem quæstionem hanc ipsum Divinæ veritatis oraculum, dicendo: *Non surrexit inter natos mulierum major Joanne Baptistâ.* Sed quid? Ergone Joanes major erit ipso etiam Christo? nunquid enim & hic à muliere natus est? Absit illud: intelli-

S. Vinc.  
Ferrer.  
Serm. 2.  
fer. 3. post  
Dom.  
Quad.

telligendus est enim loqui de ijs, qui de muliere, suscepto semine, non qui de Virgine, ex virtute Spiritûs Sancti, nati sunt: ita enim explicat magnus Ecclesiæ Doctor Hieronymus, dum ait: *His igitur præfertur hominibus, qui de mulieribus nati sunt, & de concubitu viri, & non ei, qui est ex Virgine, & Spiritu Sancto.* Sed hoc ipso novum exoritur dubium: Ergo saltem Joannem esse Beatissimâ Virgine MARIAM majorem, dicendum erit: eò quòd ambo nati sint de muliere non Virgine, & virtute humanâ? verùm id nemo asserere præsumat; cùm fuerit illa Joanne, & simul omnibus Sanctis, merito, & Sanctitate major, attestante id D. Andream Cretensî: *Excepto DEO, sola est omnibus major.* quomodò ergo supradicta increata Sapientiæ verba verificari poterunt, quibus falsum subesse non potest?

Videtur autem mihi, hoc ipso encomio, immaculata potiùs B. Virginis Conceptio deprædicata, quàm Baptistæ excellentia celebrata: quid enim sibi vult terminus: *surrexit*, quare non dictum potiùs: *inter natos mulierum non est natus, non est ortus, non venit in mundum?* cur dicitur: *non surrexit major?* sciendum igitur, quòd *surgere* præsupponat *cadere*: neque de terrâ aliquis surgit, quin priùs ceciderit; hinc cùm non surrexerit major Joanne Baptistâ, id de MARIA intelligendum erit, quæ sola, post Christum, Joanne major extitit, vel ideò non surgens, quia nunquam in originale cecidit. Perpendit nimirum MARIA, quàm nullus pejor sit morbus, morbo caduco, & nullus magis caducus, quàm peccatum, quo non humana tantum, sed Angelica quoque natura collisâ est, lachrymante Prophetâ: *Quomodo cecidisti Lucifer, qui mane oriebaris?* cecidit de Cælo Lucifer: cecidit de Paradiso Adam: uterque peccato. Sola igitur inter Adami posteros, *inter natos mulierum*, non surrexit MARIA, de qua Joannes: *Stabat juxta Crucem JESU, Mater ejus.* ut adeò si quæramus: quid in hoc mundo fecerit

Virgo? nil sit aliud respondendum, quàm: *stetit.* quid in conceptu? *stetit.* quid in ortu? *stetit.* quid in morte Filij? *stetit.* verbo, *stabat* una, toto orbe cadente, etiam ipso magno Joanne Baptistâ. quis ergo non videt, *inter natos mulierum*, ipso etiam magno præcurfore, MARIAM majorem esse? Celebret modò Chrysoströmus dignitatem Baptistæ, his verbis: *Cum ad nos advenisset Redemptor nostri generis, venit protinus ad suum amicum Joannem, dum adhuc esset in ventre matris: quem cum ex utero, in uterum aspexisset Joannes, terminos natura concutiens, exclamat: Video Dominum, qui natura imposuit terminos: celebrabo ego potiori jure MARIAM; cùm enim nondum ad nos advenisset Redemptor generis humani, venit tamen protinus ad illam, tanquam amicam suam dilectissimam, Matremque futuram, non tantum, dum ea adhuc esset in ventre matris, sed quamprimùm, per Conceptionem, ventrem matris subire datum est. Fuerit Baptista Joannes Prophetarum maximus, qui, quem cæteri promittebant, ipse digito monstraret: fuit tamen illo Prophetis MARIA major, quæ eundem & concipere, & mundo parere, & casto pectori adstringere, nunquam non est ausa. Ille præcurfor est Domini, quem ista secum detulit: ille *gratia* vocatur, hæc *plena gratiâ*: ille vox, à DEO missa in hunc mundum, hæc vox, ex ore Altissimi profecta, *Verbum bonum*, ut Conceptu LVI. vidimus: ille est *vox clamantis*, hæc vox amantis: ille loquelam Parenti, hæc Verbum Patri extorsit. ut proinde jure merito, si DEI præsentia Joannem sanctificavit in utero, hodie digniùs pietas Ecclesiæ (ob majorem, omni vicinitate, Matris cum Filio conjunctionem) hanc ex utero præservatam agnoscat: si illum adjuvit, ut *surgeret*, veriùs istam credat sustinuisse, ne *caederet.* verbo, ut verè MARIA à nobis dicatur, *una Joanne major*, nunquam surgens; quia nunquam cadens. Utinam & nos, qui non per originale tantum, sed*

per

in Matth.

de Laud.  
Virg.Isai. c. 14.  
v. 12.

c. 19, v. 25.

per actualia etiam peccata, frequenter cecidimus, mediante in immaculatam Virginem devotione, serio tandem surgamus!

§. 2. *Authoritas.*

618. S. SophronIVs, DeIparæ pVrè ConCEPTæ aMator.

1. *Bene gratiâ plena nominatur; quia cæteris per partes datur, MARIE verò tota se infudit gratiæ plenitudo: & ideo immaculata; quia in nullo corrupta. vere hortus deliciarum, in quo consistunt universa florum genera, & odora menta virtutum, sicque conclusus, ut nesciat violari, neque corrumpi. fons signatus totius sigillo Trinitatis, ex quo vitæ fons manat, in cujus lumine videbimus lumen. Serm. de Assumpt.*
2. *Quidquid in eâ gestum est, totum puritas, & simplicitas, totum gratia, & veritas fuit. Ibidem.*
3. *Ex inviolabili, & Virginali sanguine, Sanctæ, atque immaculatæ Virginis MARIE, Verbum est incarnatum. Epist. ad Sergium Patriarch. Constantinop.*
4. *CHRISTUS in manifestissimum omnipotentis Divinitatis sui indicium, & argumentum, Virginem, ex qua prodijt, integram, incorruptamque conservavit. Orat. in Christi Natal.*

§. 3. *Ratio.*

619. beatIVs est Dare, qVàm accIPere.

**J**uxta Apost. Act. c. 20. v. 35. *Beatius est magis dare, quàm accipere, & ut Syrus dicit: Beatior, vel melior est ille, qui dat, quàm qui accipit.* & S. Aug. l. 3. contra Maxim. c. 14. *Quia dare signum est abundantiae, accipere verò signum est egestatis. Sed si Beata Virgo semel contraxisset peccatum originale, plus illa dedisset Christo, Filio suo, quàm ea ab illo accepisset. Ergo major tunc abundantia, & liberalitas, forsque beatior fuisset in Matre, quàm in Filio, quod tamen ne-*

mo facilè dixerit. Min. Prob. Christus eligendo sibi Matrem, simul ab eâ accepit totam suam carnem, & corpus, ex Virgineo sanguine formandum, & hypostaticè uniendum Verbo Divino: illa autem si contraxisset peccatum originale, accepisset corpus, & animam turpi maculâ infectam: accepisset esse inimicam DEI, & vile dæmonis mancipium. Sed hoc ipso minus accepisset, quàm dedisset: imò respectivè nihil accepisset; quia Scriptura, & SS. Patres rationem formalem peccati, per terminos negativos, v. g. *tenebras, umbram, nihil, &c.* explicant. Ergo plus dedisset Christo, quàm accepisset: consequenter beatior fuisset. Hoc autem dici non potest. Ergo dicendum, nunquàm eam contraxisse peccatum originale.

§. 4. *Historia.*

In Corpore Ioannis à CrVce, IMago ConCEPTIONIs ConspICata. 620.


**J**oannes à Sanctâ Cruce, Illustrissimum illud Carmelitanæ Familiæ lumen, ejusdemque Eliani Ordinis, post Sanctam Matrem Theresiam, Parens, ac propagator zelosissimus, Sanctitate non minùs, quàm frequentium miraculorum gratiâ insignis, cum omnia per annum Festa, ea præfertim, quæ Beatissimam DEI Genetricem concernunt, summâ devotione peragere consuevisset, singulari tamen præ reliquis studio, Solenne sibi quotannis voluit Festum Immaculatæ Conceptionis: In cujus singularis obsequij gratam remunerationem, Virgo Beatissima non tantum pluribus illum in vitâ gratijs cumulavit, verum insuper, post vitam beatè clausam, in membris ejus, non sine miraculo, purissima Conceptæ sine labe Virginis Imago apparuit, in evidens Divini super hoc obsequio beneplaciti testimonium, & validum apud posterios, ejusdem immaculatæ Con-

Qq 3

ceptionis argumentum. *Marracius*  
*cap. 37. Fundat. Marian.*

§. 5. *Symbolum.*

621. Delpara, qVoqVò laCtata,  
 semper reCta.



Der numerum quemcunq; velit, tamen alea semper,  
 Quoquò jactetur, non nisi recta cadit.  
 Conceptum observa! Vitam meditare MARIE!  
 Certe obitum! semper thesiera recta cadet.  
*Nunquid est cor tuum rectum cum corde meo. si-*  
*cut cor meum cum corde tuo? 4. Reg. c. 10. v. 15.*

§. 6. *Antiquitas.*

622. persistentia stIJLItæ, In eDItâ  
 CoLVmNâ.

Totum orbem, quâ latè patet  
 Oriens, obstupescit eximie  
 Sanctitatis, ac admirandæ mortifica-  
 tionis Simon ille, dictus communi-  
 ter Stylita, dum (Theodosio juniore  
 imperante) novâ, ac prioribus sæcu-  
 lis inauditâ vivendi formâ, à terrâ to-  
 tus se junctus, editam columnam,  
 triginta sex (vel, ut alij volunt, qua-  
 draginta) cubitos in altitudine ha-  
 bentem conscendit, in eâque velut

Angelus terrestris, Divinæ contem-  
 plationi vacans, omnibus Cœli in-  
 jurijs expositus, sine ullo propè ali-  
 mento, ac somno, per ipsos octo-  
 ginta annos stetit, ac immobilis per-  
 stetit. *Portentum sæculorum* verissi-  
 mum! ut eum vocat *Cornelius in c. 8. Isaiæ*, ad quem, tanquam spectaculum hæc-  
 tenus inauditum, turmatim concurrere Persæ, Armeni, Medi, Scythæ, Æthiopes, Reges, ac Principes, omnes Sanctitatis hoc prodigium admirabundis oculis aspicientes, desideratamque Benedictionem pro voto reportantes. *Baronius ad Annum Christi 432.*

Quòd si totus obstupuit Orbis miram hanc Stylitæ persistentiam, in editâ illa columnâ: quidni magis ille obstupescat, **MARIAM** sine omni maculâ conceptam? editam enim verò columnam nemo negaverit, sublimissimam illam Divinæ præservationis gratiam, cui Virgo hæc per omne vitæ suæ tempus, imò in ipso jam conceptionis momento, firmissimè institit, à terrâ penitus se junctâ, medias inter injurias Cœli, ob originale peccatum lacescit, sola inconcussa; quia sola immaculata. *Verissimum portentum sæculorum*; quia à sæculis inauditum *sæculorum negotium*. Si igitur tantus factus est gentium concursus, ad intuendum, ac pro obtinendâ Benedictione implorandum Stylitam illum: quis non concurrat, ad contemplandam potiùs frequenter, suâ in Imagine, Virginem immaculatam, maternamque ab illâ benedictionem devotis precibus calidissimè efflagitandam?

§. 7. *Anagramma.*

TV, Mero Dei ConsILIO,  
 sIne oriGInALI!

623.

*Tu merâ Divinâ ope, immaculata regnas!*

Versio litteralis.

*Ave Maria, gratiâ plena, Dominus tecum.*

De